

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 263665 25 St
Zenica, 14.04.2026. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom Privredno društvo ART PROJEKT d.o.o. Zavidovići, ul. Jusufa Polića Ribara bb, Zavidovići, matični broj subjekta upisa: 43-01-0535-16, nakon održanog ročišta 11.11.2025. godine, u prisustvu likvidatora Polić Elvire, van ročišta, dana 14.04.2026. godine donio je:

R J E Š E N J E

Otvora se i zaključuje stečajni postupak nad stečajnim dužnikom Privredno društvo ART PROJEKT d.o.o. Zavidovići, ul. Jusufa Polića Ribara bb, Zavidovići, matični broj subjekta upisa: 43-01-0535-16, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0535-16, po pravomoćnosti ovoga rješenja.

O b r a z l o ž e n j e

Prijedlogom od 29.12.2023. godine predlagач Privredno društvo ART PROJEKT d.o.o. Zavidovići, ul. Jusufa Polića Ribara bb, Zavidovići, podnio je ovom sudu prijedlog za otvaranje likvidacionog postupka nad navedenim društvom. U likvidacionom postupku prijavu potraživanja je podnio povjerilac Porezna uprava F BiH, Kantonalni porezni ured Zenica u iznosu od 245,15 KM, koja je tokom postupka izmirena o čemu je povjerilac Porezna uprava F BiH, Kantonalni porezni ured Zenica obavijestio sud podneskom od 11.02.2025. godine. Na ročištu održanom 29.07.2025. rješenjem je spis preveden u stečaj.

Na ročištu održanom 11.11.2025. godine likvidator je izjavio da od imovine društva jedino posjeduje fiskalnu kasu čija je vrijednost 137,50 KM, da druge imovine odnosno nekretnina, pokretnina niti robe u svom vlasništvu nema kao ni gotovine u blagajni, a da ima dugovanja prema knjigovodstvenom servisu „Sara-M“ d.o.o. u iznosu od 351,00 KM, koje dugovanje redovno izmiruje, i ima prekoračenje po transakcijskom računu u iznosu od 40,95 KM koje je u međuvremenu izmireno tako da prema potvrdi UniCredit bank d.d. od 11.11.2025. godine stanje na računu je 19,05 KM što znači da po ovom osnovu nema dugovanja, dok potraživanja nema. Izjavila je da od dana podnošenja zahtjeva za pokretanje likvidacije preduzeće ne ostvaruje nikakav prihod, jer ne vrši promet, a nema ni obaveza prema kupcima, dobavljačima niti ima zaposlenih, pa smatrajući da su ispunjeni uslovi za likvidaciju podnesen je prijedlog za likvidaciju te nakon što je taj postupak vođen spis je prebačen u stečaj, a u likvidacioni spis su predate potvrde i uvjerenje zka ureda, službe za katastar, potvrda MUP-a ZDK prema kojoj je vozilo objavljen, o a u toku likvidacionog postupka izmirena je obaveza prema Poreznoj upravi F BiH pa kako prema dostupnim podacima postoje razlozi za otvaranje stečajnog postupka pa kako društvo nema imovine iz koje bi se namirili troškovi stečajnog postupka, jer društvo ne posluje i nema imovine, predlaže da sud otvori stečajni postupak i pozove povjerioce da uplate iznos od 3.000,00 KM za vođenje stečajnog postupka.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože

otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 11.11.2025. godine pozvao povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 11.11.2025. godine objavljeno je na oglasnoj tabli suda 25.02.2026. godine, na web stranici suda 09.12.2025. godine i objavljeno je u „Službenim novinama Federacije BiH“ broj: 96/25 od 17.12.2025. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino